



UNIVERSITÄTS-
BIBLIOTHEK
PADERBORN

Universitätsbibliothek Paderborn

Die Schedelsche Bibliothek

Stauber, Richard

Freiburg im Breisgau [u.a.], 1908

8. Petrus, Physikus von Amberg, an Hartmann Schedel

[urn:nbn:de:hbz:466:1-54213](https://nbn-resolving.org/urn:nbn:de:hbz:466:1-54213)

Milleno domini centum quater atque vigeno
 Nono: luce petit superos Iulii duodena:
 Penitemini et credite ewangelio.

Pro nunc his pauculis mi Hartmanne estote contentus: dicatisque patribus Carthusie et S. Egidii quod mihi eadem est voluptas ex illa preclara peregrinatione quae ipsis est ex flobothomia [!]: Iam delector in flobothomia medicus mox voluptuabor in rebus Massilie et Hispanie que mihi erit flobothomia epatice: in reversioneque per regnum Francie: Flandrie et Brabancie concludam flobothomiam saphene: Libros raros nullos reperio: Nisi clarificatorium super Nono Almansoris Ioannis de Tornamira quem facile ex Venetiis habebitis.

Item quendam alium libellum qui intitulatur liber desideratus de motibus omnium orbium sive calculo quem edidit quidam Guielmus de Zelandia in villa Carpentras: et est parvus libellus et cum figuris quem emi pro fl. tribus Rinensibus magno precio quem cum videbitis si placet tantum exponere quantocius vobis ipsum ordinabo:

Alia nunc non occurrunt: Nisi quod omnes doctores et nostros amicissimos salvos esse cupio per

Vestrissimum [!?] Ieronimum medicum.

Salvus item sit Georius Schedel mihi charissimus cum honesta conthorali vestra.

Patri item Carthusie dicite quod Litteras suas ex Gebenna per certissimum nuncium reverendo patri maioris Carthusie miserim, distancia a recta via prohibuit ne illac venirem: salvum item dicite patrem Sebastianum: procuratorem et omnes: invicemque alter pro altero oremus. Ex Valencia deo duce Hispanie alia ex me habebitis. Secunda Septembris super flumine Rhodano Lugdunum exeuntes, Avinionem applicabimus.

8. Petrus pharmacie doctor, P̃hysikus von Amberg, an Hartmann Schedel. Amberg, 25. Oktober 1496 (Clm. 25060, fol. 178/9, Einlage). Bitte um Aufschluß über das malum Francie und dessen Behandlung.

Clarissimo viro domino Hartmanno Schedel artium et medicine doctori preceptor et domino suo venerando.

Salutem cum sui recomendatione dicit, eximie domine doctor maior et preceptor optime, quamvis presenciali conversatione d.[ominacio] v.[estra] michi penitus ignota sit, fama tamen celebri doctrina et benivolentia notissima, unde ducor non nichil ex d.[ominacione] v.[estra] petere, sperans id eciam facile consequi posse, et ut rem pau [cis ?] agam, audio cum in civitate vestra Norimbergensi tum aput alios sevire egritudinem horribilem aput nos antea inauditam vel penitus ut vulgus refert incognitam pluribus doctis, quam et nonnulli vulgares malum Francie aput me nominaverunt. Rogo et obsecro d.[ominacionem] v.[estram] pro innata sua bonitate velit et de nomine causis et modo cure quid modici ad me scribere ut si quando quod deus avertat huiusmodi perhorrenda egritudo meos Ambergenses invaderet quibus scio d.[ominacionem] v.[estram] non parum aduc esse affectam, possem saltem audatius apud eosdem de ea egritudine loqui, nec dedignetur rogo dominatio vestra mea causa id laboris assumere. si enim non potero d.[ominacioni]

v.[estre] pari respondere voto, ostendam me saltem memorem accepti beneficii si unquam occasio datur futura.

Ex Amberga XXV mensis Octobris anno etc. LXXXXVI.

Petrus farmacie doctor
phiscus Ambergensis.

9. Hartmann Schedel an Georg Napurg in Reichenbach. Nürnberg, 6. August 1499 (Clm. 27, auf eingelegtem Blatt). Übersendung eines instrumentum Turketi ꝛ.

Religioso atque industrioso patri domino Georio Napurg in Reichenbach astrorum cultori amico suo colendo.

Iesus.

Salutem plurimam optat. Ab eo tempore in quo a Nuremberga discessistis, colende pater Geori: ulla de vobis salutationem accepi: Nec de instrumento astronomico Turketi appellato mittendo quicquam intellexi. Comune est proverbium: Remotus ab oculis procul a lumine cordis. Verum cum sciam vos esse amatorem astronomie in hisque sedule laborare, hec fortassis impedimento fuere. Sumite tamen quandoque otium. Et mei memor sitis. Si commode facere poteritis instrumentum Turcketi mittite. Retulistis domino preposito beate semper virginis magistro Heinvoegel apud vos quiescere vera loca stellarum fixarum rectificata per quendam abbatem que conducerent pro spera solida. Is orat obsecratque, ut ea per scriptorem colligere velitis deinde mittere quantocius. Exposita pro labore idem magister illico remittet. Sperat se fructum cum hiis operaturum. Agite in his rebus uti confido, et si vobis quid gratum efficere poterero scribite. Patri Ioanni Gollenhofer Salutem dicite. Valete foeliciter. Ex Nuremberga anno domini 1499 die 6. mensis Augusti.

Hartmannus Schedel arcium
et utriusque medicine doctor.

10. Aufzeichnungen Schedels über den Kauf eines Galen vom Augustinerkloster in Nürnberg [1503] (Clm. 5, fol. 1).

Anno Domini MCCCCIII Librum Galieni in quo continentur 21 opuscula in pergamento quem per longa tempora a patribus monasterii Sancti Augustini pro certa summa, pecunia aut aliis libris commutandis sepenumero dominium habere optavi. Is liber in parva libraria super sacristia positus retro nedum in asseribus verum et in pergamento per tineas lesionem sensit et folia putridum odorem de se propter humiditatem testudinis emittebant. Tandem reverendus pater prior Mantel homo admodum doctus qui postea peccit Gymnasium in Wittenberg una cum ceteris fratribus consensum ad hoc dederunt et cum patre Eucharico liber missus, quatuor aureos pro libro obtuli, post varios tractatus talis convencio conclusa est: ut pro libro darem 6 florenos. Et per testamenta aliorum ordinarem ut duo floreni pro decore bibliotheca [!] super adderentur: Misi itaque prefato priori Mantel 6 florenos in auro pro libro et suo successori patri Eucharico priori per Iohannem Greuß mecum testamentarium sibi presentati fuerunt, aduc 4 floreni: Sicuti et priori Henlein ad predicatores similiter 4 dati fuerunt pro decore bibliothecae. Videns autem librum tendere ad invaliditatem, Sexternos omnes divisi, mundavi et folia cum rubrica signavi. Et angelum cum armis meis per dictum Elsner depingi feci.